

阿鉢囉合二底賀多沒弟七馱囉馱囉馱隣底

曳引娑縛二合賀八引十曩謨引娑誡縛帝引

九惹拏合二曩囉迦二合野怛他引誡哆野悉

殿觀弭引滿怛羅合二播那引娑縛二合賀二

爾時日月天子聞佛世尊及普賢菩薩摩訶

薩說是佛菩薩名及陀羅尼已心中所疑皆

悉除斷發菩提心誓不退轉歡喜踊躍作禮

而退

佛說智光滅一切業障陀羅尼經

佛說如意寶總持王經

宋西天三藏朝散大夫諡號少卿傳教大師施護奉詔譯

如是我聞一時佛在觀史多天宮中與大妙
住等無數千菩薩摩訶薩俱是諸菩薩摩訶
薩皆得具足諸法轉不退輪一生當得無上
正等正覺是時復有無量天衆并諸營從亦
來集會爾時世尊在大衆中處大寶座顧視
衆會欲說妙法時妙住菩薩摩訶薩從座而
起詣世尊前五輪著地禮已白言世尊有彼
善男子得此如意寶總持章句一心受持於

過去現在未來世尊不見不聞亦不值遇者
是事云何當有何因惟願如來普爲我等一
一開說乃至未來一切衆生使無疑惑說是
語已顚然而住爾時世尊告妙住菩薩言汝
大方便能問斯事汝當諦聽爲汝宣說佛言
妙住彼善男子受持此如意寶總持章句者
而於過去現在及彼未來雖行利益常住福
業又復於此總持章句疑未斷故妙住此雖
受持而非受持所以者何此人住有爲心無
善巧智無方便故若彼善男子於此總持章

問十

廿八

句心無疑惑決定專注是則名爲真受持者
是則名爲知過去未來及以現在說法師名
是則名爲見過去未來及以現在說法師相
亦復得見過去未來及以現在正徧知者何
以故妙住是人於總持門而妙解故又復於
信不信而不住故又復了知無去無來不生
不滅非空非不空無瑞相非無瑞相無願求
非無願求亦復於如是法無取著故妙住彼
善男子能如是積行住無所住是則名住是
得涅槃是名受持供養此如意寶總持章句

是名得無趣無壞之義是名得無礙力是名得尸羅清淨是名得一切法平等究竟成佛見所說法無自無他非和合非不和合妙住彼善男子若恒修是行即得自無染若得無染亦得無縛若自無縛令他無縛若自他無縛亦不住解脫則十妙住若彼不染不縛不住解脫是則名為得如意寶總持又於如來族名知過去佛最上之明亦名知未來佛最上之明亦名知現在佛最上之明妙住此如意寶總持章句乃是過去未來現在佛母何因緣

故為住過去未來現在得利益故妙住若菩薩摩訶薩受持此如意寶總持章句者當知得名供養稱讚無數諸佛亦復得名於無數佛聞無上法又復得無數佛稱讚護念亦得佛無量福智生故妙住若受持此如意寶總持章句者凡有所求無不獲得求聰明得聰明求總持得總持求七寶得七寶妙住若善男子於如是事有人求者當須於半月中清淨至心以乳為食於我佛族作大供養然持誦此如意寶總持章句一心專注而無間斷

凡所求事無不獲得妙住若有受持如是總持章句者以此總持章句威德之力設使有恒河沙數世界之中所有天龍阿脩羅迦樓羅緊那羅摩睺羅伽鳩槃荼乃至人非人等如是之衆有極惡之心無能惱亂以至星宿及尾也孛等亦不能惱害何以故以法力所加護故又有賢愛菩薩大金剛手菩薩等而擁護故而此菩薩於此知足天乃至色究竟天而常擁護何況於人間持誦之者妙住非惟此菩薩等諸佛之心亦恒護念何以故爲

受持此如意寶總持章句故爾時世尊說是法已妙住菩薩及會中無數千菩薩及天衆并諸營從等得聞法已歡喜踊躍禮佛而退

佛說如意寶總持王經

音釋

顯魚容切 瘡音黃切 瘕徒甘切 瘕於禁切 瘕心
 滂郎到切 癭戶郢切 痔大里切 瘕郎豆切
 疹郎計切 燎力照切 瘕其月切